

# PAGKAT-ON BAHIN SA LANGITNONG AMAHAN: ANG PAGTUON SA IMPORTANTE KAAYO NGA MGA HILISGUTAN



## MAKAHULUGANON NGA PANAHON UBAN KANIYA

“Sa paglig-on sa atong relasyon ngadto sa Dios, kita nagkinahanglan og makahuluganon nga panahon nga mag-inusara uban Kaniya. Ang hilom nga pag-focus sa inadlaw nga personal nga pag-ampo ug pagtuon sa kasulatan, kanunay nagtinguha nga mahimong takus sa magamit nga rekomend sa templo—kini ang pipila sa maalamong mga puhunan sa atong panahon ug paningkamot nga mas maduol sa atong Langitnong Amahan. Atong patalinghugan ang imbitasyon diha sa mga Salmo: ‘Humilom kamo, ug ilhon ninyo nga ako mao ang Dios’ [Salmo 46:10].”

Presidente Dieter F. Uchtdorf, Ikaduhang Magtatambag sa Unang Kapangulohan, “Kabahin sa mga Butang nga Labing Mahinungdanon,” *Liahona*, Nob. 2010, 21.

**N**ag-ampo kamo sa Langitnong Amahan, apan naghunahuna ba kamo unsay Iyang hitsura? o nanganong motabang man Siya ninyo sa pagpangita sa inyong nawala nga mga yawe sa milabayng adlaw? o nakaila ba Siya pag-ayo kaninyo? o unsaon Niya sa pagpakigsulti kaninyo? Swerte kaayo, nga dili pa gayud ulahi nga makat-on og dugang mahitungod sa Dios. Karon mao ang inyong kahigayunan sa pagsugod sa pagtuon sa kasulatan sa importante kaayo nga hilisgutan, diin kamo makat-on gayud ngano ang Dios sa kalibutan—uban sa daghang binilyon nga mga espiritu nga mga anak—maghunahuna kaninyo.

Apan mahimong lisud ang pagsugod sa pagtuon sa importante nga mga butang, busa gamita kini nga flowchart aron makatabang kaninyo sa pagpadayon. Matag adlaw mahimo kamong mokuha og pangutana diha sa tsart. Samtang kamo mosunod sa mga lakang ug motubag sa mga pangutana, sulayi ang paghunahuna mahitungod sa inyong relasyon uban sa Langitnong Amahan. Hunahuna ang Iyang tahas sa inyong kinabuhi ug pangutana ang inyong kaugalingon kon unsay inyong mabuhat nga mas maduol ngadto Kaniya. ■

**MGA LEKSYON SA DOMINGGO**  
.....  
Hilisgutan Niining Bulana:  
**The Godhead**

**Sama sa unsa ang Dios?**

Mateo 7:9-11  
1 Juan 1:5  
Ether 3:12

Unsa nga mga pulong ang klaro ninyo nga nabantayan? Aduna bay mga pulong nga gibalik-balik? Pangitaa kini sa diksyonaryo o sa Giya ngadto sa mga Kasulatan.

**Sa unsang paagi ang Langitnong Amahan ug si Jesukristo pareha apan managlahi?**

Juan 3:16, 35  
Juan 17:20-23  
Mormon 7:5-7

Pag-andam og leksyon sa family home evening mahitungod sa unsay inyong nakat-unan.

**Unsaon nako nga makaila sa Langitnong Amahan?**

Juan 14:6-9  
1 Juan 4:7  
Alma 30:44  
Doktrina ug mga Pakigsaad 132:22-24

Pangitaa sa LDS.org alang sa bisan unsang importante nga mga pulong nga inyong nakit-an sa mga kasulatan. Bisitaha ang [lds.org/media-library](http://lds.org/media-library) aron motan-aw og video kabahin sa hilisgutan.

**Adunay binilyon nga mga tawo dinhi sa yuta! Sa unsang paagi nga ang Langitnong Amahan makaila kanako?**

1 Samuel 16:7  
Salmo 82:6  
Lucas 12:6-7  
Doktrina ug mga Pakigsaad 93:23

Unsa ang importanting ideya sa matag kasulatan? Paningkamuti ang pag-summarize niini nga mas gamay pa kay sa lima ka mga pulong.

**Gisultihan na kita sa pagpakigsulti sa Langitnong Amahan pinaagi sa pag-ampo. Apan sa unsang paagi ang Langitnong Amahan makigsulti kanako?**

Doktrina ug mga Pakigsaad 1:38  
Doktrina ug mga Pakigsaad 8:2-3  
Doktrina ug mga Pakigsaad 9:8-9

Unsaon ninyo pagpakigsulti sa Dios? Unsay inyong usbon isip resulta sa unsay inyong nakat-unan?

Aduna ba kamoy lain nga pangutana mahitungod sa Langitnong Amahan, ni Jesukristo, o sa Espiritu Santo? Isulat kini ug gamita kini alang sa umaabut nga pagtuon sa mga kasulatan human mahurot ang inyong mga pangutana sa flowchart. Ug ayaw kalimot nga kamo makagamit kanunay sa mga kapanguhaan sama sa Giya ngadto sa mga Kasulatan, *Matinud-anon sa Tinuhoan*, ug *Isangyaw ang Akong Ebanghelyo* sa pagkat-on og dugang mahitungod sa unsay inyong gitun-an!

